

समे-18:15 Hrs

<><><><><><>

## Headlines

- प्रधानमंत्री नरेंद्र मोदी होंगे गी सब्बनें दी सैहमति कन्नै लोकसभा दा नेता ते कन्नै बीजेपी ते एनडी संसदी दल दा बी नेता चुनेआ गेआ ऐ।
- बीजेपी दे वरिष्ठ नेता नरेंद्र मोदी होंगे औंदे ऐतवारें 9 जून गी त्री बारी प्रधानमंत्री दे ओहदे दी सगंध चुक्कडन।
- भारत आस्सेआ Q S world युनिवर्सिटी दर्जेबंदी च 318 प्रतिशत दा बाह्य दर्ज करने दे मद्देनजर प्रधानमंत्री नरेंद्र मोदी होंगे शिक्षा दे खेत्तर च आंदे गेदे सुधारें पर लो पाई ऐ।
- जम्म-कश्मीर दिएं सब्बनें 5 लोकसभा सीटें लेई चुनां मैदान च खडोते दे कुल 100 मेदवारें चा 68 फीसदी गी नोटा शा बी घट्ट वोट थ्होए न।

<><><><><><>

## NDA Govt. Formation

एनडीए संसदी दल नै नरेंद्र मोदी होंगे गी आम सैहमति कन्नै अपना नेता चुनी लैता ऐ। एनडीए संसदी दल दी बैठक दरान बीजेपी दे सीनियर नेता ते केंद्री मंत्री राजनाथ सिंह होंगे इत्त सरबंधै च प्रस्ताव रक्खेआ जिसी सब्बनें इक राय कन्नै मन्नी लैता। मोदी होंगे गी लोकसभा च बीजेपी दे नेता ते बीजेपी संसदी दल दा नेता बी चुनेया गेआ ऐ। राजनाथ होंगे आखेआ जे एनडीए गठबंधन कोई मजबूरी नेई सगुआं उंदी वचनबद्धता ऐ। केंद्री मंत्री अमित शाह होंगे आखेआ जे मोदी होंगे गी चुनना छडा एनडीए दे नेताएं दी मर्जी गै नेई सगुआं 140 करोड़ देशवासिं दी मर्जी बी ऐ। केंद्रीय मंत्री नितिन गडकरी होंगे आखेआ जे मोदी होंगे मुख गी खुशहाल ते महाशक्ति बनाने आस्तै पूरी तनदेही कन्नै कम्म कीता ऐ। टीडीपी दे प्रमुख चंद्रबाबू नायडु होंगे आखेआ जे मोदी हुंदी अगुवाई च एनडीए सरकार नै पिच्छले 10एं बरें दरान केई ऐतिहासिक बदलाव आहन्ने न। जेडीयू दे प्रधान नितिश कुमार होंगे आखेआ जे पूरा एनडीए नरेंद्र मोदी हुंदे नेतृत्व हेठ कम्म करने लेई तैयार ऐ। इस मौके बोलदे होई प्रधानमंत्री नरेंद्र मोदी होंगे आखेआ जे एनडीए छडा कोई पार्टिं दा समूह गै नेई सगुआं देश गी सब्बनें शा अगगे दक्खियै कम्म करने आली ताकत ऐ। उनें आखेआ जे एनडीए भारत दे इतिहास दा सब्बनें शा कामयाब गठबंधन ऐ। उनें आखेआ जे एनडीए सरकार सुशासन, विकास ते लोकें दिएं जिंदगिं च घट्टोघट्ट दखल देने पर ध्यान केंद्रित करोग। मोदी होंगे आखेआ जे पिच्छले 10एं बरें दौरान एनडीए नै देश गी कामयाबी दिएं नमिं उंचाइं तगर लेने आस्तै कम्म कीता ऐ। बीजेपी दे राष्ट्री प्रधान जे.पी नड्डा होंगे आखेआ जे एनडीए गी उप्परोतली त्री बारी लोकसभा चुनां च बहुमत हासल होआ ऐ ते बीजेपी गी ओडिशा ते आंध्र प्रदेश च थ्होई दी कामयाबी बी सराहनेजोग ऐ। केई सारे केंद्री मंत्रिं, एनडीए दे भ्याल दलें दे नेताएं, केई राज्यें दे मुखमंत्रिं बी इस बैठक च हिस्सा लैता।

<><><><><><>

## Oath-Ceremony

बीजेपी दे वरिष्ठ नेता नरेंद्र मोदी होर इस ऐतवारें गी त्री बारी प्रधानमंत्री दे पद दी सगंध लैडन। सगंध समारोह राष्ट्रीय भवन च शामी 6 बजे होग। अज्ज नमीं दिल्ली च एनडीए संसदीय बैठक च केंद्रीय मंत्री प्रहलाद जोशी होरें एह जानकारी दिक्ती। राष्ट्रपति द्रोपदी मुर्मू होर नरेंद्र मोदी हुंदे समेत बाकी कैबिनेट मंत्रिणं गी शपथ दोआडन।

<><><><><><>

## JDU-Meet

जनता दल यूनाइटेड दे अध्यक्ष ते बिहार दे मुखमंत्री नितीश कुमार होरें अज्ज नमीं दिल्ली च अपने निवास थाहै च संसदीय दल दी बैठक सही। बैठक च जनता दल दे ललन सिंह, संजय कुमार झा, अजय कुमार मंडल, विजय लक्ष्मी कुशवाहा, कौशलेन्द्र कुमार, रामनाथ ठाकुर, देवेश चंद्र ठाकुर, सुनील कुमार, लवली आनंद, गिरधारी यादव, अनिल हेगड़े समेत बाकी लीडर बी शामिल हे। तोआई लोक जनशक्ति पार्टी (राम विलास) होरें बी राजधानी च संसदीय बैठक रक्खी। बैठक च राष्ट्रीय लीडर चिराग पासवान होरें गी पार्टी दी संसदीय कमेटी दा लीडर चुनेया गेआ।

<><><><><><>

## PM-Meeting

एनडीए दे नेता बनने दे बाद प्रधानमंत्री नरेंद्र मोदी होर बीजेपी दे वरिष्ठ नेता लाल कृष्ण आडवाणी ते मुरली मनोहर जोशी हुंदे कन्नै मिले ते उंदा आशीर्वाद लैत्ता। मोदी होर साबका राष्ट्रपति रामनाथ कोविंद हुंदे कन्नै बी हुंदे निवास स्थल नमीं दिल्ली च मिले। ओदे बाद उनें राष्ट्रपति द्रोपदी मुर्मू होरें गी राष्ट्रपति भवन च मिलियै उंदे कोला सरकार बनाने दा दावा पेश करना हा। भाजपा गी 240 सीटां मिलियां न तोआई एनडीए नै 293 सीटां लेइयै लोकसभा दी कुल 543 सीटें च बहुमत बनाई।

<><><><><><>

## Sikkim-Krantikari

सिक्किम क्रांतिकारी मोर्चा दे संसदी दल नै नरेंद्र मोदी होरें गी बीजेपी संसदी दल दे नेता ते भारत दे प्रधानमंत्री दे तौर उप्पर समर्थन देने दा फैसला लैता ऐ। मुखमंत्री प्रेम सिंह तमांग होरें अपने सरकारी सोशल मीडिया पेज पर अज्ज ऐलान कीता जे उनें नमें चुने गेदे विधायकें कन्नै बैठक लाइयै आम सैहमति कन्नै एह फैसला लैता ऐ जे ओहू नरेंद्र मोदी होरें गी बीजेपी संसदी दल दे नेता ते भारत दे प्रधानमंत्री दे तौर पर बी अपना समर्थन देडन।

<><><><><><>

## Search-Operation

जम्मू दे बाहरले इलाके च अज् सुरक्षाबलें तलाशी अभियान चलाया। एहू तलाशी अभियान स्पेशल आपरेशन गुप (एसओजी) समेत बाकी सुरक्षा बलें मजीन इलाके च बाला जी मंदर दे कोलकश जंगली इलाकें च चलाया। पुलस दे इक आला अफसर नै एहू जानकारी दिती ऐ जे एहू तलाशी अभियान इक्क नियमित अभ्यास ऐ। उआं सूत्रें दा आखना ऐ जे एहू आपरेशन इलाके च इक्क शैकीय गतिविधि होने बाद चलाया गेआ। 29 जून गी शुरू होने आली सलाना अमरनाथ जात्तरा दे शुरू होने मगरा पैहले सुरक्षा बलें गी इस इलाके च तैनात कीता गेआ ऐ।

<><><><><><>

## PM-Education

प्रधानमंत्री नरेंद्र मोदी होरें अज् जोर देइयै आखेआ ऐ जे उंदी सरकारै पिच्छले इक दहाके दरान शिक्षा दे खेत्तर च मय्यारी तब्दीलियां आहनने पर ध्यान केंद्रित कीता ऐ। उंदा एहू बयान नेय समें पर आया ऐ जिसलै Q S world university दर्जेबंदी च जी-20 देशें बश्कार भारत नै युनिवर्सिटीएं दी नमाइंदगी दे मामले च सब्बनें शा मता विकास दर्ज कीता ऐ। भारत नै बरे 2015 च 11 युनिवर्सिटीएं थमां बधियै बरे 2025 संस्करण च 46 तगर पुज्जियै 318 फीसदी बाद्दा दर्ज कीता ऐ।

<><><><><><>

## EC Nota J&K

राश्ट्रीय चुनां आयोग दे मताबक जम्मू-कश्मीर दी 5 सीटें थमां लडने आहले 100 मेदवारें च 68 मेदवारें गी नोटा कोला बी घट्ट वोट मिले ना। कुल 34 ज्हार 788 मतदाताएं इत्थुं दी 5 सीटें लेई नोटा बटन दबाया ऐ जेडा एहू दर्शांदा ऐ जे मतदाता कुसै बी पार्टी दे समर्थन च नेई ऐन। उधमपुर संसदीय हल्का जित्थुं बीजेपी मेदवार जितेंद्र सिंह होरें जित्त हासिल कीती ऐ, उत्थे 12 ज्हार 938 वोट नोटा गी गए ना। उधमपुर थमां 11 मेदवार हे ते नोटा नै इंदे च 9एं मेदवारें थमां मते वोट लैते। जम्मू सीट च 4 ज्हार 645 लोकें नोटा बटन दबाया यानि जम्मू च 18 मेदवारें कोला मते वोट नोटा गी मिले। इस सीट लेई कुल 22 मेदवार खडोते दे हे जिंदे च भाजपा दे जुगल किशोर होरें एहू सीट हासिल कीती ऐ। श्रीनगर सीट लेई तकरीबन 6 ज्हार वोट नोटा गी पाए ना। इस हल्के च कुल 24 मेदवार खडोते दे हे जिंदे च 18एं गी नोटा कोला बी घट्ट वोट मिले ना। अनंतनाग राजौरी संसदीय हल्के थमां 6 ज्हार 233 वोट नोटा गी गए ना। इस सीट लेई कुल 20 मेदवार मैदान च हे जिंदे च 9एं गी नोटा कोला बी घट्ट वोट मिले ना। बारामुला सीट लेई पेदे वोटें च 4 ज्हार 984 मतदाताएं नोटा दा बटन दबाया। इस हल्के थमां 22 मेदवार खडोते दे हे, जिंदे च 14एं गी नोटा कोला बी घट्ट वोट मिले। कुल 100एं चा 68 मेदवारें गी नोटा कोला बी घट्ट वोट मिले।



## Reasi-SHG

केवीके रियासी नै आप सहायता समूहें यानि सेल्फ हेल्प ग्रुप्स ते महिला सशक्तिकरण उप्पर इक्क ट्रेनिंग प्रोग्राम दा आयोजन कीता। इस प्रोग्राम दा उद्घाटन एसोसिएशन डरैक्टर एक्सटेंशन डॉ. हेमा त्रिपाठी होरें कीता। उनें ग्राएं दी महिलाएं गी आप सहायता समूह यानि सेल्फ हेल्प ग्रुप्स बनाने ते महिला सशक्तिकरण बारै दस्सेया। त्रिपाठी होरें न्यूटीर गार्डन्स उप्पर जोर पाया ते गलाया जैविक सब्जियां लाने कन्नै कन्नै ओहू खेतीबाड़ी कन्नै होने आहली आमदनी बदाई सकदियां न। उनें आखेआ।



## CSIR-Doda

सीएसआईआर फ्लोरिकल्चर मिशन नै इक्क महत्वपूर्ण गैं पुट्टे दे होई जम्मू दे डोडा च गुट्टे दे बी बंडु। इस पैहलकदमी दा मकसद इलाके च फुल्लें दे काशत गी बढावा देना ऐ तां जे करसान बक्खव-बक्ख किस्म दी राईबाई करियै अपनी आमदनी बधाई सकन। गुट्टे दे फुल्ल दी चिकित्सक ते सजावटी मुल्लें लेई मंग बदधी जा रदी ऐ। राजेश कुमार जेडे करसान न ते सीएसआईआर मिशन दी हिना फारूक हुंदा आखना ऐ।



## DGP-Grievance

जम्मू-कश्मीर पुलसा दे डरैक्टर जनरल आर.आर स्वैन हुंदा शकैतें दे नबेडे आला कार्यक्रम जिला पुलस लाइन्स पुलवामा च कल्लै थमां फही शुरू होगा। पुलसा दे इक प्रवक्ता मुजब नेय लोक जिनेंगी पुलस दे कम्मकाज जां जांच दे मतल्लक कोई बी दिक्कत-परेशानी या शकैत ऐ उनेंगी इस कार्यक्रम लेई मती तरजीह दित्ती जाग। नेय लोकें गी डीपीएल पुलवामा जाइयै हेल्पडेस्क पर अपना नां अगेत्रे गै दर्ज करोआना होगा।



## Lok Sabha Statues

लोकसभा सचिवालय, संसद भवन परिसर च प्रेरणा स्थल विकसित करै करदा ऐ जेदे तैहत इस प्रेरणा स्थल पर महान नेताएं ते स्वतंत्रता सेनानिएं दिआं प्रतिमां लाइयां जाड-न। पैहले एहू प्रतिमां परिसर दे बक्ख-बक्ख हिस्सें च स्थापित हिआं। नमें संसद भवन दे निर्माण दे बाद संसद परिसर गी खूबसूरत बनाने ते एहदा छलैपा बधाने आस्तै इक कार्य योजना बनाई गेदी ऐ तां जे परिसर गी मता भव्य ते आकर्षक बनाया जाई सकै। प्रेरणा स्थल गी इस चाल्ली कन्नै विकसित कीता जा रदा ऐ तां जे परिसर च औने आले बड़ी असानी कन्नै इनें म्हान नेताएं दिएं प्रतिमाएं गी दिक्खियै उंदे जीवन ते विचारें थमां प्रेरणा लेई सकन। लोकसभा सचिवालय नै आखेआ ऐ जे पैहले एहू प्रतिमां संसद भवन दिएं बक्ख-बक्ख थाहरें पर हिआं जिस करी लोक इनेंगी असानी कन्नै दिक्खी नेहा सकदे।

प्रेरणा स्थल पर ऐसे बंदोबस्त बी कीते गेदे न जिंदे राहें आधुनिक तकनीकें दे इस्तेमाल दे माध्यम कन्नै लोक म्हान स्वतंत्रता सेनानिएं बारै मता किश जानी सकडन।

<><><><><><>